

Berdad
nunca a
perhudica
ningun hende
ningun
causa
ni ningun
nacion

DIARIO

ARUBA NOS ISLA STIMA

Un Bandera... Un Escudo... Un Himno... Un DIARIO

Telefon 582-6747 • Fax 582-8551 • P.O. Box 577 • www.diarioaruba.com • Engelandstraat 29 • diario@setarnet.aw

CELEBRANDO 25 AÑA CU PUEBLO

Aña 25 • No. 7383 — 1,25 Florin

DIAHUEBS 28 JULI 2005



Tur wowo awor dirigi riba saliña na Rooi Santo

DETECTOR SPECIAL A YEGA ARUBA PA YUDA BUSCA NATALEE



ORANJESTAD (AAN): Despues cu DIARIO a presenta cu un testigo cardinal, danki na descubrimiento di su team investigador e buskeda intenso di Natalee a continua ayera den e saliña net pabao di Rooi Santo cerca di Racquet Club. Dompel-Pomp di Cuerpo di Bombero, cu ayudo di esunnan di Valero y di La Cabana a sigui traha pa asina reduci e nivel di awa rapido. Tim Miller di Texas EquuSearch tambe ta na Aruba, y a manda busca dos detector special di Gas “Metano”. E parti importante di e detector aki ta cu un curpa humano cu ta den estado di descomposicion, pa 3 luna largo lo emiti gas “Metano”, y e detector aki lo por yuda. Riba potret tin un vista panoramico di e area na unda e accion intensivo aki ta tumando lugar. Lesa un relato mas amplio awe riba pagina 3.

Tur wowo dirigi riba saliña na Rooi Santo

Detector special a yega Aruba pa yuda busca Natalee


ORANJESTAD (AAN): Autoridad keto bay ta keda cu nan lipnan hermeticamente seya, rond di e buskeda y informacion nobo cu nan por tin pa cu e desaparicion di Natalee Holloway.

Hecho ta cu henter dia, e Dompel-Pomp di Cuerpo di Bombero a sigui traha pa asina reduci e nivel di awa den e saliña net pabao di Rooi Santo. Den oranan di

merdia, a haya yudanza di Valero Aruba Refinery, cu a bin cu un segundo Dompel-Pomp pa asina e proceso bay mas rapido.

Como cu solo ta bati hende sin misericordia, autoridad a laga pone algun tent pa asina e oficialnan local y di FBI por para bao di dje.

Debi na e hecho cu mester di un lugar habri pa pone equiponan special cu ta yegando, a busca un Tractor



• Relaciona cu e caso di Natalee Holloway... •

Caso di apelacion contra di tumamento di test di DNA, a worde trata den Corte

ORANJESTAD (AAN): Ayera mainta na corte a tuma lugar e caso di apelacion cu abogadoonan Kock, Carlo y Oomen a entama di parti di nan clientenan, relaciona cu e hecho cu Fiscal riba 13 di Juli, prome cu hof a tuma un decision atrobe riba e rumannan Kalpoe, a solicita pa nan worde ordena pa tuma un test di DNA.

DIARIO a haya sa cu e muestranan di DNA cu a ser recolecta di un skeiro di diente di Natalee cu a ser haya den su camber di hotel a revela samplenan di DNA masculino y pa e motibo aki fiscal a pidi pa tuma samplenan di DNA di e tres sospechosonan pa asina compara nan cu esunnan haya prome.

Segun abogado Kock, huez na prome instancia a ordena pa haci esaki tambe, sinembargo e abogadoonan a dicidi di protesta contra di esaki, mirando cu polis a yega cerca di su cliente y a casi forza e y su ruman, conhuntamente cu Joran van der Sloot di tuma e test.

E mucha hombernan a coopera y tuma e test, sinembargo Kock a splica cu a apela e decision, mirando cu no tabata tin base pa existi e testnan, tabata tin foutnan huridico den e decision.

Abogado Kock a bisa cu e ta sinti cu e caso a bay bon y cu huez lo dicidi di destrui e prome decision riba e testnan. E abogado a splica tambe cu P.G. a indica cu no a procesa e samplenan tuma di e hobennan ainda, mirando cu

el a sinti cu lo bin e caso aki di apelacion.

DIARIO a puntra Kock cu si den investigacion bin evidencianan nobo, si P.G. por existi un biaha mas pa e muchanan haci e test di DNA, unda cu e abogado a splica cu si tin suficiente base, huez lo por ordena esaki.

DIARIO a puntra abogado Kock tambe su pensamentonan riba e hecho cu awor un testigo a bin dilanti cu un declaracion contra di su cliente, esta cu Satish, Deepak y Joran a worde mira entre 2:30 y 3'or di marduga, hunto den un auto cerca di Racket Club. E abogado a splica cu e no a haya e declaracion ainda por escrito for di Ministerio Publico, pues e no por duna mucho comentario excepto pa loke el a lesa y scucha den prensa.

El a sigui bisa cu si e wak henter e file di e caso, e no ta mira cu cu e testigo aki ta cambia nada den e investigacion y culpabilidad. Kock a bisa cu tin hopi otro cos para den e file, cu ta bay hasta encontra loke e testigo a declara y cu e y su cliente no ta preocupa pa cu esaki.

DIARIO a puntra e abogado si e ta para ariba cu su cliente ta inocente, unda cu Kock a bisa cu su cliente ta keda para ariba cu e ta inocente.

Decision riba e caso aki di apelacion lo worde tuma seas na fin di e siman aki of comienzo di otro siman

cu a haci e area bashi y limpi, di forma cu e equiponan por worde poni.

Esaki ta e area unda informacion nobo a drenta, despues cu DIARIO a presenta cu un testigo cardinal, danki na descubrimiento di su team investigador. E testigo aki a mira e tres sospechosonan, esta Joran, Deepak, y Satish den auto pa 2:30'or di madrugada riba e caminda cu ta bay pa Aruba Racquet Club. Esaki ta completamente diferente cu e storia y horario cu e hobennan a duna na autoridad.

Un investigador priva di famia Holloway, tambe a logra haya un segundo testigo (femenino) kende ta biba den e area di Aruba Racquet Club, y e tambe a splica cu e mesun auto aki di Kalpoe a core tres biaha bay na Racquet Club e anochi ey.

Ya caba den edicion di Diarazon mainta, DIARIO a indica riba e informacion cu a circula cu e caso aparentemente a worde solucionada. Esey kizas ta e motibo pakico Polis a pidi casa di Beth Twitty, esta George, pa e famia no bay wak tanten cu autoridad ta trahando den e area di Rooi Santo.

Pa e mayornan di Natalee, e desaroyo nobo aki ta algo cu a hala nan atencion, specialmente e hecho cu asina hopi instancia ta trahando hunto riba un solo buskeda den un area. E tata a declara na prensa Mericano, cu den su concepto... autoridad di Aruba mester por sa "algo".

Tim Miller di Texas EquuSearch tambe ta na



Aruba, y a manda busca dos detector special di Gas "Metano". E aparato aki por detecta cualkier partícula minuscuro di Metano cu por sali for di tera of awa.

A ser splica, cu un curpa humano cu ta den estado di descomposicion, pa 3 luna largo lo emit gas "Metano", y e detector aki lo por yuda.

DIARIO a compronde cu dado momento pa un mal entendimiento, e machine nobo aki a keda pega na Aeropuerto di Aruba. Sinembargo danki na intervencion di e.o. Departamento di DTI, e luz berde a worde duna pa e machine drenta Aruba.

DIARIO a ripara diferente oficial halto presente den e area di e Saliña, net pabao di Aruba Racquet Club.

CONFLICTO PA

OBTENE D.N.A.

Abogadonan a mira for di comienzo, cu e forma di proceder pa asina obtene muestra di D.N.A. di cada sospechoso den e desaparicion di Natalee, no a bay segun reglamento.

DIARIO a haya sa di fuente bon na altura, cu aparentemente Ministerio Publico ta na altura di esey, y e biaha aki si a pega un barco. E peticion pa por haya e muestra, no a bay segun e

stipulacion.

Aki tambe e Abogadonan a start un proceso legal den e asunto.

MAS DETAYE DI CLARIVIDENTE

E cantidad di lector cu a yama y puntra DIARIO, kico mas e Clarividente Mericano a revela, ta un indicacion cu tin un interes den esaki.

E clarividente ta esun cu mey-mey di luna di Juni 2005, a revela na DIARIO cu Natalee ta dera den un poz cu ta na un profundidad igual cu un palo di luz. For di eynan por mira un toren halto, kizas un Cell-Site. Tambe el a menciona cu e poz aki ta poni den un pida tereno habri. Net banda di e tereno aki tin un caminda, y otro banda di e caretera el a mira algo cu ta parece "bungalows" cu tin bentana di palo color berde, y fachada color beige of roos.

E Clarividente a mira cu Natalee tabata prome den un di e Bungalownan y/o Casitanan aki, cu no tin hopi mueble aden. Tin un closet si cu algun paña di homber colga aden. E Clarividente a mira, cu Natalee tabata den e Casita aki cu 3 homber. Despues di esey, e ta mira cu nan a carga Natalee y hibe na e poz, unda e ta den e bom.

E Clarividente a revela, cu e poz aki ta ubica den "un lugar sagrado". Kizas e por referi cu tin graf di Indian den e area?

E mesun Clarividente aki di California, ta esun cu apenas algun luna pasa a mira algo similar den e caso di Jessica Lunsford na Merca. E no ta cobra pa su servicionan, pero e ta spera cu su "vision" por yuda autoridad rond mundo na resolve casonan.